



ბრძანება №15-03/49

ქ. თბილისი

29 ოქტომბერი, 2018 წელი

უნივერსიტეტის ეთიკის საბჭოს შექმნისა და ეთიკის საბჭოს რეგლამენტის დამტკიცების თაობაზე

„უმაღლესი განათლების შესახებ“ საქართველოს კანონის 43-ე მუხლის და ა(ა)იპ საქართველოს აგროარული უნივერსიტეტის წესდების მე-4 და მე-12 მუხლების შესაბამისად

ვ ბ რ ძ ა ნ ე ბ:

1. საქართველოს აგროარული უნივერსიტეტის სტუდენტის მიერ სტუდენტის ეთიკის კოდექსის მოთხოვნათა დარღვევის შემთხვევაში, დისციპლინური წარმოების საკითხს წყვეტს უნივერსიტეტის ეთიკის საბჭო შემდეგი შემადგენლობით:

- 1.1. უნივერსიტეტის რექტორი - საბჭოს წევრი, ეთიკის საბჭოს თავმჯდომარე;
- 1.2. უნივერსიტეტის პრორექტორები - საბჭოს წევრი, ერთ-ერთი პრორექტორი ეთიკის საბჭოს თავმჯდომარის მოადგილე;
- 1.3. სტუდენტების დეკანი - საბჭოს წევრი;
- 1.4. საგამოცდო ცენტრის ხელმძღვანელი - საბჭოს წევრი;
- 1.5. ბიზნესის ადმინისტრირების ფაკულტეტის დეკანი - საბჭოს წევრი;
- 1.6. აგროარული და საბუნებისმეტყველო მეცნიერებათა სკოლის დეკანი - საბჭოს წევრი;
- 1.7. საინჟინრო-ტექნოლოგიური ფაკულტეტის დეკანი - საბჭოს წევრი;
- 1.8. უნივერსიტეტის იურიდიული სამსახურის უფროსი - საბჭოს წევრი;
- 1.9. სარეგისტრაციო და სასწავლო პროცესის მართვის სამსახურის უფროსი - საბჭოს წევრი.
- 1.10. ეთიკის საბჭოს მდივანი.

2. ეთიკის საბჭო მოქმედებს „უმაღლესი განათლების შესახებ“ საქართველოს კანონის, საქართველოს აგროარული უნივერსიტეტის წესდებისა და სტუდენტის ეთიკის კოდექსისა და ამ რეგლამენტის საფუძველზე.



3. სტუდენტის მიმართ დისციპლინური წარმოების დაწყება ემყარება შემდეგ წესებს:

3.1. სტუდენტის მიმართ დისციპლინური წარმოება უნდა იყოს დისციპლინური გადაცდომის პროპორციული და შეიძლება განხორციელდეს მხოლოდ სამართლიანი პროცედურის გზით.

3.2. საკითხის ინიციატორი სამსახურებრივი ბარათით (დანართი #1) მიმართავს უნივერსიტეტის რექტორს და ითხოვს უნივერსიტეტის სტუდენტის მიმართ დისციპლინური წარმოების განხორციელების შესახებ გადაწყვეტილების (დანართი #2) მიღებას. საკითხის ინიციატორი სამსახურებრივ ბარათში მიუთითებს დასაბუთებას იმის თაობაზე, თუ სტუდენტის ეთიკის კოდექსის რომელი ნორმის დარღვევის გამო მიიჩნევა აუცილებლად სტუდენტის მიმართ დისციპლინური წარმოების განხორციელებას.

3.3. საკითხის ინიციატორი სამსახურებრივ ბარათთან ერთად რექტორს წარუდგენს სტუდენტის მიმართ დისციპლინური წარმოების განხორციელების გადაწყვეტილების პროექტს (რექტორის ბრძანების პროექტი - დანართი №2). რექტორის ბრძანება სტუდენტის მიმართ დისციპლინური წარმოების განხორციელების თაობაზე გადაეცემა ეთიკის საბჭოს ყველა წევრს (შემდეგი ელექტრონული ფოსტის მეშვეობით: ethicscouncil@agruni.edu.ge) და შესაბამის სტუდენტს.

3.4. სტუდენტის მიმართ დისციპლინური წარმოების დაწყება არ უნდა ზღუდავდეს სტუდენტის უფლებას, მონაწილეობა მიიღოს სასწავლო პროცესში, გარდა სტუდენტის ეთიკის კოდექსით გათვალისწინებული შემთხვევებისა, თუ ეს საფრთხეს უქმნის სხვისი უფლებების, ჯანმრთელობის, საგანმანათლებლო დაწესებულების საკუთრებისა და უსაფრთხოების დაცვას.

3.5. იმ შემთხვევაში, თუ სტუდენტის მონაწილეობა სასწავლო პროცესში საფრთხეს უქმნის სხვისი უფლებების, ჯანმრთელობის, საგანმანათლებლო დაწესებულების საკუთრებისა და უსაფრთხოების დაცვას, სტუდენტის მიმართ დისციპლინური წარმოების განხორციელების გადაწყვეტილების თაობაზე რექტორის ბრძანებაში მიუთითება სტუდენტისათვის სასწავლო პროცესში მონაწილეობის უფლების შეზღუდვის შესახებ. რექტორის 'სემოლანიშნული ბრძანება დაუყოვნებლივ გადაეცემა შესაბამის სტუდენტს.

4. ეთიკის საბჭოს სხდომა ტარდება შემდეგი წესების დაცვით:

4.1. ეთიკის საბჭოს წევრი ესწრება და მონაწილეობს საბჭოს სხდომებში, მონაწილეობს გადაწყვეტილებების მიღების მიზნით გამართულ კენჭისყრაში.

4.2. ეთიკის საბჭოს სხდომა გადაწყვეტილებაუნარიანია, თუ მას ესწრება საბჭოს წევრთა უმრავლესობა.



4.3. საბჭოს სხდომას ხელმძღვანელობს ეთიკის საბჭოს თავმჯდომარე, ხოლო მისი არყოფნის შემთხვევაში - ეთიკის საბჭოს თავმჯდომარის ერთ-ერთი მოადგილე.

4.4. სხდომაზე გადაწყვეტილება მიიღება დამსწრე წევრების ხმათა უმრავლესობით. ხმების გაყოფის შემთხვევაში უპირატესობა ენიჭება საბჭოს თავმჯდომარის ხმას.

4.5. ეთიკის საბჭოს გადაწყვეტილების მიღების პროცესში მონაწილეობას არ იღებს საბჭოს წევრი, თუ იგი ურთიერთდამოკიდებულებაშია სტუდენტთან, რომლის საკითხსაც განიხილავს საბჭო. ურთიერთდამოკიდებულების არსებობისას საბჭოს წევრი ნებაყოფლობით აცხადებს თვითაცილებას. საბჭოს წევრ(ებ)ი უფლებამოსილნი არიან ურთიერთდამოკიდებულების არსებობისას შესაბამის წევრს მისცენ აცილება. ურთიერთდამოკიდებულებად განიხილება:

4.5.1. ერთიანი ძველი სკოლისადმი/ფაკულტეტისადმი/საგანმანათლებლო პროგრამისადმი კუთვნილება;

4.5.2. განსახილველი საკითხის შედეგით დაინტერესება;

4.5.3. სტუდენტთან ნათესაური ან სხვა ახლო კავშირის არსებობა;

4.5.4. ნებისმიერი სხვა გარემოების ან მდგომარეობის არსებობა, რაც წევრის ობიექტურობაში ეჭვის შეტანის საფუძველია.

4.6. ეთიკის საბჭოს გადაწყვეტილების მიღების პროცესში მონაწილეობას არ იღებს ეთიკის საბჭოს სხდომის მდივანი.

4.7. საკითხის ინიციატორი ეთიკის საბჭოს თავმჯდომარესთან ათანხმებს სხდომის გამართვის ზუსტ დროსა და ადგილს, ხოლო შემდეგ აღნიშნულს ატყობინებს ეთიკის საბჭოს წევრებსა და შესაბამის სტუდენტს (სტუდენტებს).

4.8. ყველა მტკიცებულება და გარემოება, რომლებიც დისციპლინური წარმოების საფუძველია, სრულად უნდა გამოიკვლიოს ეთიკის საბჭომ.

4.9. ეთიკის საბჭოს სხდომაზე სტუდენტის მიმართ დისციპლინური წარმოების საკითხის განხილვისას მტკიცების ტვირთი აწევს საკითხის ინიციატორს.

4.10. საკითხის ინიციატორი ამზადებს საბჭოს მიერ განსახილველ საკითხს, აგროუებს და ასაბუთებს მტკიცებულებებს და წარუდგენს საბჭოს, განხილვამდე 5 დღით ადრე მინც.

4.11. დისციპლინური წარმოების განხორციელებისას სტუდენტს უფლება აქვს:

4.11.1. წერილობითი ფორმით მიიღოს დასაბუთებული გადაწყვეტილება მის მიმართ დისციპლინური წარმოების დაწყების შესახებ;



4.11.2. დაესწროს და მონაწილეობა მიიღოს დისციპლინური წარმოების საკითხის განხილვაში და ისარგებლოს დაცვის უფლებებით;

4.11.3. ეთიკის საბჭოს მიაწოდოს თავის ხელთ არსებული ინფორმაცია და მტკიცებულებები;

4.11.4. მონაწილეობა მიიღოს ეთიკის საბჭოს მიერ მოპოვებული მტკიცებულებების გამოკვლევაში;

4.11.5. მოითხოვოს, მის მიმართ დისციპლინური წარმოების საკითხი განხილულ იქნეს საჯარო სხდომაზე;

4.11.6. აცილება მისცეს საბჭოს წევრს 4.5 პუნქტში აღნიშნული რომელიმე საფუძვლის არსებობის შემთხვევაში.

4.12. ეთიკის საბჭოს სხდომის ოქმს აწარმოებს და ხელმოსაწერად ამზადებს ეთიკის საბჭოს მდივანი. ეთიკის საბჭოს ოქმს ხელს აწერს ეთიკის საბჭოს მდივანი და ეთიკის საბჭოს თავმჯდომარე, ხოლო მისი არყოფნის შემთხვევაში, ეთიკის საბჭოს თავმჯდომარის მოადგილე, რომელიც ხელმძღვანელობდა ეთიკის საბჭოს სხდომას. ხელმოწერილი ოქმის ასლი გადაეცემა უნივერსიტეტის იურიდიულ სამსახურს რექტორის ბრძანების (დ.ნართი #3) მომზადების მიზნით.

4.13. ეთიკის საბჭო უფლებამოსილია აწარმოოს საბჭოს სხდომის ან მისი ნაწილის აღდგენა და ვიდეო ჩაწერა. ჩანაწერი თან ერთვის სხდომის ოქმს.

4.14. ეთიკის საბჭოზე დასწრების უფლება აქვს ნებისმიერ დაინტერესებულ პირს, დაინტერესებულ პირად მიიჩნევა ფიზიკური ან იურიდიული პირი, რომელთან დაკავშირებითაც გამოცემულია ან გამოცემული იქნება ეთიკის საბჭოს გადაწყვეტილება, აგრეთვე რომლის კანონიერ ინტერესზე პირდაპირ და უშუალო გავლენას ახდენს ან შეუძლია მოახდინოს ეთიკის საბჭოს გადაწყვეტილებამ.

4.15. ეთიკის საბჭო, საკითხის სრულად გამოკვლევისა და შესწავლის მიზნით, უფლებამოსილია სხდომაზე მოიწვიოს და გამოკითხოს მოწმეები.

4.16. ეთიკის საბჭო უფლებამოსილია სხდომაზე მოიწვიოს ექსპერტი ან/და სპეციალისტი.

4.17. მტკიცებულებებისა და გარემოებების სრულფასოვნად გამოკვლევის შემდეგ სხდომაზე მოწვეული პირები ტოვებენ სხდომას. მსჯელობა და კამათი გადაწყვეტილების მიღების მიზნით იმართება მხოლოდ საბჭოს წევრებს შორის.

4.18. სხდომის თავმჯდომარე გამოავლენს გადაწყვეტილების მომხრე წევრებს, მოწინააღმდეგე წევრებს და წევრებს, რომლებმაც ხმის მიცემისაგან თავი შეიკავა, ან გამოთქვეს განსხვავებული აზრი.



4.19. განსხვავებული აზრის გამოთქმის შემთხვევაში, საბჭოს წევრი 2 სამუშაო დღის ვადაში წერილობით აცალიბებს თავის განსხვავებულ აზრს და წარუდგენს საბჭოს მდივანს სხდომის ოქმზე დართვის მიზნით.

4.20. სტუდენტის ეთიკის კოდექსის მე-5 მუხლით გათვალისწინებული აკადემიურ პროცესთან დაკავშირებული ეთიკის წესების დარღვევის შემთხვევაში, დეკანი/საგანმანათლებლო პროგრამის ხელმძღვანელი შეისწავლის საკითხს და თავის გადაწყვეტილებას, თანდართულ მტკიცებულებებთან ერთად, ატყობინებს ეთიკის საბჭოს შემდეგი ელექტრონული ფოსტის მეშვეობით: ethicscouncil@agruni.edu.ge და შესაბამის სტუდენტს.

4.21. სტუდენტი და ეთიკის საბჭოს წევრები, 4.20 პუნქტში აღნიშნული ინფორმაციის მიღებიდან 5 კალენდარული დღის ვადაში, უფლებამოსილნი არიან საკუთარი მოსაზრება ელექტრონულად წარუდგინონ ეთიკის საბჭოს (შემდეგი ელექტრონული ფოსტის მეშვეობით: ethicscouncil@agruni.edu.ge), ასევე, მოითხოვონ ეთიკის საბჭოს სხდომის გამართვა და ზეპირი მოსმენის ჩატარება.

4.22. აკადემიურ პროცესთან დაკავშირებული ეთიკის წესების დარღვევის შემთხვევაში საგამოცდო ცენტრის ხელმძღვანელი უფლებამოსილია იყოს საკითხის ინიციატორი. ეთიკის საბჭოს წევრებს და სტუდენტს წარუდგინოს თავისი პოზიცია კონკრეტულ დარღვევასთან დაკავშირებით, ასეთ შემთხვევაში დეკანი/საგანმანათლებლო პროგრამის ხელმძღვანელი ვალდებულია საბჭოს წევრებს წარუდგინოს სკოლის მიერ მიღებული გადაწყვეტილება.

4.23. ზემოაღნიშნული ხუთდღიანი ვადის ამოწურვის შემდეგ, შესაბამისი ფაკულტეტის მიერ მიღებული გადაწყვეტილება გამოიცემა ეთიკის საბჭოს საბოლოო გადაწყვეტილების ფორმით და გადაეცემა შესაბამის სტუდენტსა და უნივერსიტეტის სარეგისტრაციო და სასწავლო პროცესის მართვის სამსახურს.

5. ეთიკის საბჭოს გადაწყვეტილების მიღება, გამოცემა და შენახვა ხორციელდება შემდეგი წესების დაცვით:

5.1. ეთიკის საბჭოს გადაწყვეტილება უნდა იყოს დასაბუთებული და ემყარებოდეს საქართველოს კანონმდებლობითა და უნივერსიტეტის მარეგულირებელი აქტებით გათვალისწინებული წესით მოპოვებულ მტკიცებულებებს.

5.2. ყველა მტკიცებულება, რომელიც დისციპლინური წარმოების საფუძველია და რომელსაც ემყარება ეთიკის საბჭოს გადაწყვეტილება, სრულად უნდა გამოიკლიოს ეთიკის საბჭომ.

5.3. სხდომაზე მიღებული გადაწყვეტილება გამოიცემა რექტორის ბრძანების ფორმით (დანართი №3).



5.4. რექტორის მიერ ხელმოწერილი ბრძანება გადაეცემა უნივერსიტეტის სარეგისტრაციო და სასწავლო პროცესის მართვის სამსახურს და შესაბამის სტუდენტს.

5.5. ინფორმაცია სტუდენტის მიმართ დისციპლინური ღონისძიების გატარების შესახებ კონფიდენციალურია, გარდა იმ შემთხვევისა, თუ არსებობს სტუდენტის ნებართვა, ან ადმინისტრაციის კანონიერი ინტერესი დაიცვას სხვისი უსაფრთხოება და კანონით დაცული უფლებები.

5.6. ინფორმაცია სტუდენტის მიმართ დისციპლინური ღონისძიებების გატარების შესახებ ინახება უნივერსიტეტის სარეგისტრაციო და სასწავლო პროცესის მართვის სამსახურის მიერ განცალკევებულად. სტუდენტის შესახებ ინფორმაციის შენახვისას უნივერსიტეტი ვალდებულია იხელმძღვანელოს საქართველოს ზოგადი ადმინისტრაციული კოდექსით დადგენილი წესით.

5.7. სტუდენტს უფლება აქვს სასამართლოში გაასაჩივროს ეთიკის საბჭოს მიერ მის მიმართ მიღებული გადაწყვეტილება, ჩაბარებიდან 1 თვის განმავლობაში.

რექტორი


მანუელ ლეჟავა





ა(ა)იპ საქართველოს აგრარული უნივერსიტეტის
რექტორს ბატონ ვახტანგ ლუკაშვილს

ა(ა)იპ საქართველოს აგრარული უნივერსიტეტის

სამსახურებრივი ბარათი დისციპლინური წარმოების დაწყების შესახებ

მოგახსენებთ, რომ ა(ა)იპ საქართველოს აგრარული უნივერსიტეტის

(სკოლის / ფაკულტეტის / საგანმანათლებლო პროგრამის დასახელება)

სტუდენტმა

დაარღვია სტუდენტის ეთიკის კოდექსის
მოთხოვნები, რაც გამოიხატა სტუდენტის მიერ

მუსლი(ებ)ის

გთხოვთ, „უნივერსიტეტის ეთიკის საბჭოს შექმნისა და ეთიკის საბჭოს რეგლამენტის
დამტკიცების თაობაზე“ საქართველოს აგრარული უნივერსიტეტის რექტორის 2018 წლის



საქართველოს აგრარული უნივერსიტეტი

29 ოქტომბრის №15-03/49 ბრძანების შესაბამისად, გამოსცეთ ბრძანება დისციპლინური წარმოების განსორციელების დაწყების თაობაზე.

საკითხის ინიციატორი,

/სასელი, გვარი და ხელმოწერა/

თარიღი:



ბრძანება

დისციპლინური წარმოების განხორციელების დაწყების შესახებ

ა(ა)იპ საქართველოს აგრარული უნივერსიტეტის წესდების 4.6 პუნქტის, სტუდენტის ეთიკის კოდექსის 7.5 პუნქტის, „უნივერსიტეტის ეთიკის საბჭოს შექმნისა და ეთიკის საბჭოს რეგლამენტის დამტკიცების თაობაზე“ საქართველოს აგრარული უნივერსიტეტის რექტორის 29 ოქტომბრის №15-03/49 ბრძანების შესაბამისად,

1. დაწყებულ იქნეს ა(ა)იპ საქართველოს აგრარული უნივერსიტეტის

(სკოლის / ფაკულტეტის / საგანმანათლებლო პროგრამის დასახელება)

სკოლის/ფაკულტეტის კურსის სტუდენტის

(პ/ნ _____) მიმართ დისციპლინური წარმოება და დაევალოს ეთიკის საბჭოს შეისწავლოს საკითხის ინიციატორის

მიერ წარდგენილი მასალების სრულყოფილი შესწავლა, საკითხის განხილვა, მხარეთა მოსმენა და გადაწყვეტილების მიღება.

2. ეს ბრძანება დაუყოვნებლივ გადაეცეს ეთიკის საბჭოს და სტუდენტს

ვახტანგ ლეჟავა

რექტორი



ბრძანება

დისციპლინური პასუხისმგებლობის დაკისრების შესახებ

ა(ა)იპ საქართველოს აგრარული უნივერსიტეტის წესდების 4.6 პუნქტის, სტუდენტის ეთიკის კოდექსის 7.5 პუნქტის, „უნივერსიტეტის ეთიკის საბჭოს შექმნისა და ეთიკის საბჭოს რეგლამენტის დამტკიცების თაობაზე“ საქართველოს აგრარული უნივერსიტეტის რექტორის 29 ოქტომბრის №15-03/49 ბრძანების, ასევე ეთიკის საბჭოს [201_ წლის

[] გადაწყვეტილებების შესაბამისად,

1. ააიპ საქართველოს აგრარული უნივერსიტეტის

(სკოლის/ ფაკულტეტის საკანონიერებო პროგრამის დახმარება)

სკოლის/ ფაკულტეტის — კურსის სტუდენტის

(პ/ნ: [] მიერ სტუდენტის ეთიკის კოდექსის [] მუხლ(ებ)ის დარღვევის გამო მის მიმართ გამოყენებულ იქნეს სტუდენტის ეთიკის კოდექსის [] მუხლით გათვალისწინებული პასუხისმგებლობის ზომა: []

].

2. ეს ბრძანება გადაეცეს უნივერსიტეტის სარეგისტრაციო და სასწავლო პროცესის მართვის სამსახურს და სტუდენტს

3. ეს ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დავით აღმაშენებლის ხეივანი, მე-12 კილომეტრი №6) ჩაბარებიდან 1 თვის განმავლობაში.

ვახტანგ ლეყავა

რექტორი